

Bosna i Hercegovina

Federacija BiH

Kanton Sarajevo

Skupština Kantona Sarajevo

43. Radna sjednica

ZASTUPNIČKO PITANJE

n/p predsjedavajuće, prof. Ana Babić

Već godinama je prisutan trend pada pokrivenosti obaveznom imunizacijom u cijeloj Bosni i Hercegovini, pa i u većini zemalja Regiona.

Takvo stanje je posljedica intenzivne antivakcionalne kampanje i dezinformacija, zbog kojih roditelji odbijaju vakcinisati djecu, a rezultiralo je sa nekoliko velikih epidemija bolesti, koje su, do sada, u većini zemalja Europe i svijeta eliminirane.

Tako su u Federaciji BiH, od 2009. do 2015. godine registrirane slijedeće epidemije:

- Rubeolle (2009-2010) sa oko 2.100 oboljelih;
- Zaušnjaka (2010-2012) sa blizu 8.000 oboljelih i
- Morbilla (2014-2015) sa oko 5.100 oboljelih.

Napominjem da je Evropski ured SZO 2015. godinu proglasio godinom eliminacije Morbilla u Europi! Sada možemo tvrditi da je uzročnik ove bolesti endemski prisutan u našoj zemlji!

Ukoliko se ovaj trend nastavi, uskoro, ali i kroz dugi niz godina pred nama, možemo očekivati nove epidemije ovih i drugih bolesti, kada god količina "gorivog materijala", odnosno necijepljenog dijela populacije, dostigne kritičnu masu!

Prema podacima Federalnog zavoda za javno zdravstvo, obuhvat obaveznom imunizacijom, za period 01.01.2016. do 30.06.2017. godine, je daleko ispod nivoa od 95% procijepljenosti, koji garantira eliminaciju određenih bolesti i prestanak njihovog javljanja u epidemijskim razmjerama.

Primjera radi, nivo procijepljenosti 1. dozom MRP vakcine je u Federaciji BiH oko 63,9%, a 2. dozom iste vakcine oko 77,4%.

Podaci za **Kanton Sarajevo** su još porazniji: procijepljenost 1. dozom MRP – 40,1%, a 2. dozom MRP – 56% (*dakle za preko 20% niža u odnosu na prosjek u Federaciji BiH*). Slična situacija je i sa ostalim vakcinama iz Programa obavezne imunizacije.

Trazim od Vlade KS i resornog ministarstva informaciju da li poduzimaju ikakve aktivnosti po pitanju navedenog problema, i koje?

Sarajevo, 25.6.2018.

Segmedina Srna Bajramović
zastupnica SDP BiH u SKS